

Minisipalite Arlington, MA

Depatman Sante ak Sèvis Iman (Health and Human Services Department)

Filè Sekirite (Safety Net): Resous pou Rezidan yo

Tabdèmatyè

- 1. Nimewo Telefòn Enpòtan**
- 2. Pwogram/Sèvis pou Manje ak Nitrisyon**
- 3. Edikasyon**
 - a. Pwogram yo pou Jèn yo**
 - b. Klas Anglè**
- 4. Anbochaj**
- 5. Èd pou Chofaj ak Fyoul**
- 6. Lojman**
- 7. Chèltè ak Èd pou moun ki Sanzabri**
- 8. Sipò pou Sante Mantal**
 - a. Sipò pou Vyolans nan Kay**
 - b. Sipò pou moun ki konsome Dwòg ak Alkòl**
 - c. Gwoup Sipò yo**
- 9. Sipò ak Sèvis yo**
 - a. Divèsite, Ekite ak Enklizyon**
 - b. Sèvis pou Moun ki gen yon Andikap**
 - c. Resous pou Imigran yo**
 - d. Resous pou Moun LGBTQ+**
 - e. Pwogram ak Resous pou Moun k ap Pran Laj**
 - f. Sèvis pou Veteran yo**
- 10. Transpò**

Apèl IJANS 911

Arlington Police Wellness Check and Other Non-Emergency Services (Sèvis pou tcheke si yon moun byen ak lòt sèvis ki pa ijans Lapolis Arlington bay)

Depatman Lapolis Arlington kontan resevwa tout demann enfòmasyon rezidan Arlington yo sou nenpòt sijè, sa ki gen ladann nenpòt kesyon sou magouy, konpòtman ki sispèk ak preyokipasyon konsènan sekirite. Rele nimewo lapolis ki pa pou ijans yo.

E911 – Emergency Telephone Disability Indicator Program (Pwogram telefòn ijans pou endikate andikap)

E911 se yon sèvis anyè telefòn pou ijans pou moun ki gen yon pwoblèm fizik. Yonfwamoun lan fin enskri, si gen yon apèl ijans 911 ki fèt apatide telefòn kay rezidan an, sekouris yo pral gen non, adrès ak tip andikap rezidan an ki parèt pou yo. Fòm enskripsyon yo disponib nan Depatman Polis Arlington ak nan Konsèy sou Moun k ap Pran Laj (Council on Aging).

Enfòmasyon kontak yo:

Depatman Polis Arlington (Arlington Police Department), 112 Mystic St. Arlington, MA 02474, 781-643-1212 (se pa pou ijans)

Arlington Council on Aging (Konsèy pou Moun k ap Pran Laj), 27 Maple St. Arlington, MA 02476, 781-316-3400.

Nimewo Telefòn ki enpòtan

Polis nan Arlington Pa pou ijans	911 781-643-1212
Ponpye nan Arlington Pa pou ijans	911 781-316-3800
Inite Sèvis pou Fanmi (Family Services Unit), Depatman Polis Arlington	781-316-3915
Liy Nasyon Prevansyon Swisid (National Suicide Prevention Line)	988
Kriz Sante Mantal (Mental Health Crisis) – Defansè moun	(800) 540-5806
Nimewo gratis 24/24 pou Vyolans nan Kay Safelink	877-785-2020
Nimewo gratis 24/24 pou Timoun ki Viktim Abi	800-792-5200
Depatman Timoun ak Fanmi nan Mass (Mass Department of Children and Families) 30 Mystic St. Arlington, MA 02474	781-641-8500
Depatman Mass Èd Tranzitwa (Mass Dept of Transitional Assistance, DTA)	877-382-2363
Biwo Administrasyon Sekirite Sosyal (Social Security Administration Office) (pou zòn Arlington) 10 Fawcett St. 1 st Fl, Cambridge, MA 02138	888-527-9340
Nimewo gratis pou Moun ki vale Pwazon (Poison Control Hotline)	800-222-1222
Sèvis Samariten pou Prevansyon Swisid (Samaritans Suicide Prevention) (877) 870 - 4673 https://samaritanshope.org/	
Nimewo Graits Nasyonal pou Agresyon Seksyèl (National Sexual Assault Hotline) (877) 785 - 2020 https://www.rainn.org/	
Nimewo Nasyonal Gratis pou Jenn ki Chape (National Runaway Youth Hotline) (800) 786 - 2929 https://www.1800runaway.org/	

Pou jwenn èd ak divès bezwen (sante piblik, sante mantal ak pran dwòg ak alkòl, lojman ak èd pou bòdwo elekrisite, dlo, telefòn, manje, swen pou timoun, ijans ak lòt referans toujou)

Pwogram/Sèvis pou Manje ak Nitrisyon

Gad-manje (Food Pantry)

Arlington EATS

Arlington EATS se yon espas san danje pou tout moun ki bezwen manje, ki sitye nan 117 Broadway, Arlington akote Thompson School la. Li ouvri sou randevou sèlman chak Lendi 2 pou 4 ak 4:30 pou 7:30 p.m., chak Madi 9 a.m. pou 12 p.m. ak chak Mèkredi 9 a.m. pou 12 p.m.; ou kapab mande yon randevou anliy ak nan telefòn depi ou rele nan [\(339\) 707-6761](tel:339-707-6761). Nouvo kliyan k ap fè anplèt manje yo ta dwe pote yon dokiman ki pwouve yo abite nan Arlington (sètadi: yon korespondans yo resevwa lapòs, yon dokiman idantite) nan premye vizit yo.

Pou jwenn plis enfòmasyon, tanpri al gade nan <https://www.arlingtoneats.org/>

339-707-6757

info@arlingtoneats.org

WIC – Pwogram pou Fanm, Tibebe ak Timoun Piti (Women, Infant & Children's Program)

WIC se yon pwogram nitrisyon gratis ki bay manje ki bon pou sante, nitrisyon ak edikasyon sou sante ansanm ak lòt sèvis gratis bay fanm ki ansent oswa manman k ap bay tete ansanm ak fanmi yo epi moun k ap swen timoun ki poko gen 5kan. WIC gen biwo li yo ki louvri nan Arlington chak Madi soti nan 10:00 a.m. rive 6:15 p.m. nan 7 Central St. Pou jwenn plis enfòmasyon konsènan pwogram WIC la, al gade nan www.mass.gov/wic

Pou kalifye sou labaz revni, ou dwe prezante prèv: 1) revni moun nan kay ou ak 2) yon pyès idantite/prèv rezidans nan Massachusetts (bòdwo elekrisite-dlo-telefòn-chofaj, relve labank, lisans pou kondwi machin batistè, elatriye).

Enfòmasyon kontak: Biwo WIC Arlington, 7 Central St. Arlington, MA 02474, [\(781\) 646-2032](tel:781-646-2032)

Lòt lokal: Biwo Prensipal WIC nan Somerville (Somerville Main Location WIC), 366 Broadway, Suite 102, Somerville, MA 02145, 617-575-5330

Koupon pou achte manje/Pwogram SNAP

Pwogram Èd ak Nitrisyon Sipleman (Supplemental Nutrition Assistance Program, SNAP) se pwogram federal pou èd ak manje ki bay rezidan ki pa gen anpil revni sipò lajan pou achte manje ki bon pou sante epi ki nourisan, epi ki bay kominote yo benefis eknomik. Si ou Rezidan nan Arlington (nenpòt laj) ki enterese enskri pou resevwa benefis, tanpri rele Konsèy Arlington pou Moun k ap Pran Laj (Arlington Council on Aging) nan 781-316-3400 pou rankontre ak yon Travayè Sosyal pou ranpli yon demann aplikasyon.

Gen tradiksyon nan bouch ki disponib, lè w ap fè koutfil la; tanpri mande pou w sèvi ak LanguageLine a.

Edikasyon

Enskri nan Lekòl Piblik

Lalwa Massachusetts enzije pou tout timoun ki gen sèt (7) lane oswa pi gran frekante lekòl. Pou enskri pitit ou nan Lekòl Piblik Arlington (Arlington Public School), tanpri ale nan wèbsayt APS la anba seksyon enskripsyon an kote w ap jwenn [pòtay enskripsyon an](#).

W ap bezwen dokiman espesifik, tankou 2 prèv rezidans ou, yon batistè, yon egzamen fizik ak kanè vaksinasyon w pou ranpli fòm la.

Pou jwenn èd ak tradiksyon/entèpretasyon, tanpri ranpli [fòm sa a](#)

Lekòl Matènèl yo ak Gadri Timoun

Pou enskri pou Lis Datant pou Kalifikasyon sou Labaz Revni pou Sèvis Gadri Timoun (Income-Eligible Childcare Waitlist) epi pou jwenn plis enfòmasyon konsènan chwa gadri timoun ki genyen nan Arlington, tanpri rele nan 211

Sèvis pou Timoun nan Bibliyotèk Robbins (Robbins Library Children's Services)

Yon lis konplè tout pwogram gadri timoun nan Arlington disponib nan Depatman Sèvis pou Timoun ki nan Bibliyotèk Robbins la.

Bibliyotèk Robbins, Sèvis pou Timoun, 700 Mass Ave. Arlington, MA 02476, 781-316-3235

Sikonskripsyon Swen pou Timoun (Childcare Circuit)

Childcare Circuit se yon òganizasyon prive ki pa pou fè pwofi ki chita Massachusetts k ap bay referans swen pou timoun, fòmasyon ak sèvis pou paran ak founisè bay rezidan Arlington yo.

Enfòmasyon kontak: 190 Hampshire St. Lawrence, MA 01840 978-686-4288, www.childcarecircuit.org

Aktivite pou Jèn moun yo

Depatman Divètisman Arlington (Arlington Recreation Department) (gen bousdetid ki disponib) ofri kan peryòd lete, pwogram apre-lekòl ak anvan jadendanfan ak espò pandan tout ane a epi li jere arèn patinaj piblik Ed Burn la ki louvri ant Septanm ak Avril. Erin Campbell, 781-316-3884, ecampbell@town.arlington.ma.us

Arlington Boys and Girls Club (Klèb pou Gason ak Fi nan Arlington) (gen bousdetid ki disponib) ofri timoun pre-jadendanfan, apre-lekòl ak timoun nan klèb (yon pwogram ki genyen pou timoun laj 6 a 17tan yo ka vizite) pou jenn moun nan Arlington ak nan kominote ozalantou yo. Pou enskri epi pou mande enfòmasyon sou finansman bousdetid, tanpri rele nan 781-648-1617, al gade nan <https://www.abgclub.org/> oswa deplase ale wè yo fas-a-fas.

Klas Lang Anglè

English NOW! Ofri klas Anglè gratis fas-a-fas nan bibliyotèk Robbins Library chak mèkredi soti 11 a.m. rive 12:30 p.m. ak nan Zoom chak mèkredi soti 6:00 p.m. rive 7:30 p.m. ak chak vandredi soti 11:00 a.m. rive 12:30 p.m.

Lamplight Literacy ofro klas Anglè bay rezidan Otorite Lojman Arlington yo ansanm ak lòt rezidan Arlington ki elijib sou bas revni yo. Kontakte lisa@lamplightliteracy.org

Anbochaj

Sipò Mendèv la

Commonwealth of Massachusetts la, atravè Biwo Egzekitif pou Travay ak Devlopman Mendèv (Executive Office of Labor and Workforce Development) la, ofri èd pou plasman nan travay ak fòmasyon, ansanm ak konsèy pou chèche travay ak teknik pou pase entèvyou yo. Pou jwenn plis enfòmasyon, tanpri al gade nan www.mass.gov/lwd/employment-services.

Òganizasyon Lojman nan Arlington (Housing Corporation of Arlington, HCA) ofri atelye travay san rete ak sesyon pou yonsèl moun pou atenn objektif anbochaj yo kontakte Paul Jean Sr. (781) 859-5294 Ekstansyon 9 oswa pjean@housingcorporation.org

Sous pou Devlopman Pwofesyonèl (Career Source)

Depatman Sèvis Pwofesyonèl (Department of Career Services, DCS) responsab rezonab
Massachusetts la pou Sant One-Stop Career Centers yo ki bay moun k ap chèche travay oryantasyon pwofesyonèl ansanm ak referans pou djòb ak fòmasyon. Fresh Pond Mall, 186 Alewife Brook Parkway, Suite 310, Cambridge, MA 02138, 617-661-7867.

Sant Alfabetizasyon pou Fanm Lamplight (Lamplight Women's Literacy Center) ofri preparasyon gratis pou tès TEAS a pou Èd Enfimyè Kalifye (Certified Nursing Assistants) ki gen lang natifnatal yo ki pa Anglè, nan Bibliyotèk Robbins la; kontakte lisa@lamplightliteracy.org

Just-a-Start Corporation (Òganizasyon Just-a-Start) ofri pwogram fòmasyon pwofesyonèl gratis nan pwofesyon biomedikal ak pwofesyon teknoloji ak yon pwogram pou ranfòse jenn moun. Pou kontakte biwo pwogram fòmasyon pwofesyonèl yo, rele nan 617-918-7520; pou ranfòsman jenn moun, kontakte youthbuild@justastart.org oswa rele nan 617-918-7506

Èd ak Chofaj/Fyoul

Èd Eta a bay pou Fyoul

Èd pou Fyoul, yo konn rele tou Pwogram Èd Enèji Kay pou Revni Fèb (Low Income Home Energy Assistance Program, LIHEAP), se yon pwogram leta ki ede fanmi ak moun ki pa gen anpil revni peye bòdwo chofaj yo pandan peryòd livè. Èd pou fyoul baze sou revni anyèl brit tout moun nan kay la, estati lojman yo ak pri chofaj yo. Lokatè yo kapab resevwa èd pou fyoul menmsi chofaj yo enkli nan lwaye a.

Kondisyon pou Kalifye: 1) moun lan dwe ranpli direktiv Eta a sou Revni yo, 2) moun lan dwe prezante dokiman sou revni li ak bòdwo chofaj li yo (egzanp: gaz, elektisite oswa bòdwo lwil), ak 3) yo aksepte aplikasyon yo sèlman pandan sezon chofaj la (egzanp, 1ye novanm rive 30 avril).

Enfòmasyon kontak: Konsèy Arlington pou Moun k ap Pran Laj (Arlington Council on Aging)

Moun k ap aplike pou premye fwa a ki rezidan nan Arlington gendwa aplike tou atravè Konsèy Arlington pou Moun k ap Pran Laj (Arlington Council on Aging) la nan 781-316-3400 pou jwenn enfòmasyon konsènan dat ak lè randevou yo. Gen moun ki ka ede w ranpli aplikasyon Èd pou Fyoul la soti Novanm rive Avril, selon premye moun ki rive a se premye moun k ap jwenn èd.

Pwogram Modifikasyon nan Kay (Home Modification Program)

Pou rezidan yo ki gen anpil lan epi/oswa ki gen yon andikap fizik oswa ki bezwen èd pou deplase, Pwogram Modifikasyon Kay la ede fanmi yo lè li amelyore aksè nan kay yo, sa ki pèmèt yo viv yon fason ki endepandan nan kominote a. Rezidan yo gendwa elijib pou yon prè peman difere ki gen yon enterè ki ba oswa ki pa gen okenn enterè ditou oswa pou yon prè amòtizasyon, sa ki va depannde revni fanmi a. Montan prè yo soti nan \$1,000 rive nan \$30,000.

Kontak: Patenarya Lojman Zòn Metwopolitèn Boston (Metropolitan Boston Housing Partnership), 617-425-6637. <http://www.mass.gov/eohhs/consumer/disability-services/housing-disability/home-mod-loan/>

Pwogram/Sèvis Èd pou Lojman (Housing Assistance Programs/Services)

Pou jwenn èd pou twouve yon lojman ki bon mache, tanpri li tout [Gid pou Jwenn Lojman](#) an mass.gov Kowalisyon Somerville pou Moun Sanzabri a (The Somerville Homeless Coalition) (an ofri, [Pwogram Lojman Zòn Metwopolitèn Boston](#) an epi Òganizasyon Lojman nan Arlington (Housing Corporation of Arlington) kapab ede w nan pwosesis la.

Otorite Lojman nan Arlington (Arlington Housing Authority)

Otorite Lojman nan Arlington la ofri lojman ki sibvansyone pou moun aje, fanmi ki pa gen anpil revni ak moun ki gen yon andikap. Rezidan yo peye 30% nan revni yo pou lwaye a. Pou aplike pou lojman, al gade nan biwo Otorite Lojman pou Arlington lan oswa www.arlingtonhousing.org. Anjeneral, gen yon lis datant pou lojman ki sibvansyone yo. Otorite Lojman an pa bay chèltè pou ijans.

Enfòmasyon kontak: Otorite Lojman nan Arlington, 4 Winslow St. Arlington, MA 02474, 781-646-3400, www.arlingtonhousing.org

Òganizasyon Kòporativ Lojman nan Arlington (Housing Corporation of Arlington)

Minisipalite a travay tèt ansanm ak Housing Corporation of Arlington (HCA) ki pa pou fè pwofi, ki se yon kòporasyon devlopman kominotè ki pa pou fè pwofi, pou devlope epi jere lojman bon mache. Inite lojman yo gen diferan gwosè epi lwaye yo fiske a 30% revni moun nan kay la; pifò yo demare apatide anviwon \$1000/mwa.

Minisipalite Arlington lan, nan tèt ansanm ak Housing Corporation of Arlington, gen yon pwogram ki bay moun apa ki konfwonte ak yon kriz sanzatann, sibvansyon pou yo ka peye lojman yo. Pwogram la gendwa kapab peye aryere lwaye yo pou anpeche degèpisman oubyen peye kosyon sekirite (security deposits) pou nouvo lojman.

The Housing Corporation of Arlington (HCA) kapab ede ak Aksè nan Sekirite Sosyal, Avantaj Manje (Food Benefits), Fon Lajan pou Èd Lojman; rele nan 781-859-5294 epi mande pou Renea oswa Paul Jr. Nan 2yèm ak 4yèm Lendi chak mwa, ou kapab jwenn èd soti 11 a.m. rive 1:00 p.m. nan bibliyotèk Robbins Library la (700 Mass Ave)

Enfòmasyon kontak: -

Housing Corp of Arlington, 252 Mass Ave. Arlington, MA 02474, 781-859-5294, www.housingcorparlington.org Kontak imèl: info@housingcorparlington.org

Millbrook Square Apartments

Millbrook Square, ki chita nan 17 Mill St., ofri lojman sibvansyone pou moun ki aje ak moun ki gen yon andikap, kote lokatè yo peye 30% nan revni yo pou lwaye a.

Pou jwenn enfòmasyon, ki gen ladann kijan pou kalifye sou labaz revni, tanpri kontakte Millbrook Square nan 781 641-1410.

Chèltè ak Èd pou Moun ki Sanzabri (Homeless Shelters and Assistance)

Kowalisyon Somerville pou Moun ki Sanzabri (Somerville Homeless Coalition)

www.somervillehomelesscoalition.org, 1 Davis Sq. Somerville, MA 02144

Si ou sanzabri epi ou bezwen èd, tanpri kontakte Somerville Homeless Coalition a nan (617) 623-6111 oubyen ale nan biwo yo ki nan 1 Davis Square, Somerville pou resevwa yon evalyasyon atravè pwogram Antre Kowòdone

(Coordinated Entry) a. Nenpòt moun oswa fanmi ki gen yon koneksyon ak Arlington ki nan sitiyasyon sanzabri pou kounye a, elijib pou ranpli yon evalyasyon.

Depatman Lojman ak Devlopman Kominotè (Department of Housing and Community Development)

Pou aplike pou Èd Lojman ann Ijans (Emergency Housing Assistance) epi pou pale ak yon Kowòdonatè Sanzabri (Homeless Coordinator), tanpri rele nan (866) 584-0653. Di moun lan ki reponn telefòn la ki lang ou pale epi yon tradktè nan bouch ki travay nan telefòn pral ede w gratis.

Kowalisyon Massachusetts pou Moun Sanzabri (Mass Coalition for the Homeless)

73 Buffum St. Lynn, MA 01902, 781-595-7570

Pou moun ki bezwen èd ak lojman ann ijans, MA Coalition for the Homeless la bay yon lis konplè tout chèlèt yo pou moun apa, fanmi ak viktim vyolans nan kay. Pou jwenn plis enfòmasyon, al gade nan www.mahomeless.org. Pou pale ak yon moun ki pou oryante w nan pwosesis pou chèche yon chèlèt, tanpri kontakte Marisa nan 781-595-7570 ekstansyon 15

Èd Rezidansyèl pou Fanmi ki an Tranzisyon (Residential Assistance for Families in Transition, RAFT)

RAFT, ki se yon pwogram Eta a finanse, ofri èd lajan akoutèm epi limite ak sipò pou ede fanmi ki pa gen anpil revni yo rete nan yon kay oswa deplase antre nan pwochen kay yo pandan peryòd kriz finansyèl. Aplikan yo dwe founi dokiman/prèv ki montre ke yo oblije deplase pou anpeche yo vin sanzabri. Tanpri kontakte Patenarya Lojman nan Zòn Metwopolitèn Boston (Metropolitan Boston Housing Partnership, MBHP) an pou jwenn direktiv pou kalifikasyon yo.

Enfòmasyon kontak: MBHP nan 617-425-6700 oswa www.mbhp.org

Sipò pou Sante Mantal

Sant Konsèy pou Jèn yo nan Arlington (Arlington Youth Counseling Center, AYCC)

AYCC se yon etablisman terapi-konsèy sante mantal Depatman Sante Piblik Massachusetts (Department of Public Health) la ki travay nan tretman, prevansyon ak rezolisyon pwoblèm ki gen pou wè ak timoun Arlington yo ak fanmi yo. AYCC aksepte pifò asirans yo epi li ofri finansman sibvansyon bay fanmi ki elijib sou baz revni yo ki pa gen asirans oswa ki pa gen ase asirans.

Enfòmasyon kontak: AYCC, 670R Massachusetts Avenue, Whittemore Robbins House (dèyè Robbins Library), Arlington, MA 02476, 781-316-3255, www.arlingtonma.gov/aycc.

Imèl: cleger@town.arlington.ma.us

Sèvis Resous Kominotè yo (Community Resource Services)

Pwogram Community Resource Services la eseye kontakte rezidan Arlington yo ki gen nenpòt laj ak enfòmasyon, èd ak referans nan sèvis lokal ak pwogram leta. Sa gen ladann konekte rezidan yo ak sèvis pou bezwen debaz (tankou pwogram manje, èd pou lojman ak enfòmasyon sou chèlèt) ansanm ak lòt bezwen toujou (tankou gadri timoun, pwogram vyolans nan kay ak sèvis èd finansye ann ijans). Pou jwenn plis enfòmasyon oubyen pou fè yon referans, tanpri kontakte biwo prensipal AYCC oswa Espesyalis Resous Kominotè a ki rele Libby Lazar.

Enfòmasyon kontak: AYCC, 781-316-3251, llazar@town.arlington.ma.us

Depatman Polis Arlington: Klinisyen Sante mantal ki rele Christina Valeri, kapab bay sipò pou moun ki gen yon ijans sante mantal grav, ede moun ki pran dwòg oswa alkòl, moun ki sanzabri ak lòt pwoblèm toujou. Kontakte li:

112 Mystic Street

Arlington, MA 02474
(781) 316-3947
cvaleri@town.arlington.ma.us

[BIPOC Clinical Resources](#) (Resous Klinik pou Moun ki pa Blan)

Sipò Vyolans nan Kay (Domestic Violence Support)

SafeLink se nimewo gratis 24/24 7/7 pou tout Eta Massachusetts la ak yon resous pou nenpòt moun ki viktim vyolans nan kay: 877-785-2020

Inite Sèvis pou Fanmi Arlington (Arlington Family Services Unit)

112 Mystic Street
Arlington, MA 02474
Tanpri kontakte Enspektè Rebecca Gallagher, (781) 316-3915 oswa rgallagher@town.arlington.ma.us

Sipò pou Moun ki pran dwòg ak alkòl (Substance Use Support)

LifeLink bay sipò ant moun menm laj pou sante mantal oswa pwoblèm ki gen pou wè ak pran dwòg oswa alkòl. Pou itilize sèvis sa a, rele nan 855-466-7100

Gwoup Sipò yo (Support Groups)

Fanmi Jwif ak Sèvis pou Timoun (Jewish Family and Children's Services) ofri pwogram, edikasyon, enfòmasyon ak sipò pou adilt ki gen plis laj yo, pou fanmi ki gen timoun ak pou paran ki fenk gen yon timoun pou premye fwa ak anpil lòt moun toujou.

<https://www.jfcsboston.org/About/Community-Programs>
781-647-JFCS (5327)

Konsèy Arlington pou Moun k ap Pran Laj (Arlington Council on Aging) ap òganize divès gwoup sipò; tanpri kontakte yo pou jwenn plis enfòmasyon.

Sipò ak Sèvis yo

Divèsite, Ekite ak Enklizyon

Li kowòdone Komisyon Dwa Moun Arlington (Arlington Human Rights Commission), Komisyon pou Andikap (Disability Commission) ak Komisyon Ak-an-syèl LGBTQ+ (LGBTQ+ Rainbow Commission); li òganize evènman nan kominote a epi li ede yo tandè vwa yo, ke yo swa respektè epi pwoteje menmjan ak tout rezidan yo.

Pou rapòte yon vyolasyon dwa moun, tanpri [ranpli fòm sa a](#)

Pwoteksyon pou Moun ki gen yon Andikap (Disabled Persons Protection)

Pou bay enfòmasyon konsènan abi ou sispèk yo komèt sou yon moun ki andikape, tanpri kontakte Komisyon Massachusetts pou Ameriken ki gen yon Andikap (Massachusetts Americans with Disabilities Commission) la nan 617-727-6465, oswa rele nan 800-426-9009 (nimewo gratis 24 sou 24).

W ap jwenn enfòmasyon lokal ak èd pou Lwa Ameriken ki Andikape (Americans with Disabilities Act, ADA) a disponib nan men Kowòdonatè ADA pou Arlington la: tross@town.arlington.ma.us

Resous pou Mooun ki LGBTQIA+

The Network/ La Red/Rezo a

Se yon òganizasyon sivivan k ap jere li epi ki pou jistis sosyal, k ap travay pou elimine abi sou patnè nan kominote madivènèz, masisi, biseksyèl, transjan, BDSM, polyamoure ak kwir (queer) yo; li ofri yon nimewo gratis pou ijans 24è sou 24, sipò pou moun apa ak pou gwoup ak yon pwogram pou rive jwenn lojman

Nimewo gratis 24 sou 24 la: [617-742-4911](tel:617-742-4911) (vwa yon moun-pale) • [800-832-1901](tel:800-832-1901) (gratis)

Pwojè Trevor la (The Trevor Project)

Li bay enfòmasyon ak sipò bay jenn moun ki LGBTQ+ ak moun k ap sipòte yo 24/24 7 jou sou 7

Rele: 1-866-488-7386

Tekste: 678-678

Sante Fenway (Fenway Health)

Pwogram sante pou moun transjan, swen pou jèn ki transjan ak ki gen lòt oryantasyon seksyèl, pwogram pou LGBTQ+ k ap pran laj, pwogram VIH/SIDA <https://fenwayhealth.org/>

Resous pou Imigran yo

Kowalisyon pou Pledwaye pou Imigran ak Refijye Massachusetts (Massachusetts Immigrant and Refugee Advocacy Coalition, MIRA) sèvi kòm santral resous pou “konnen ki dwa ou genyen” ak materyo ki asosye ak sa pou ede imigran ak refijye yo oryante nan sistèm la epi reklame dwa yo; epi lyen nan resous yo pou sitwayènte, lang Anglè ak edikasyon pou adilt; sèvis sante ak sosyal; epi èd pou refijye. <https://miracoalition.org/resources/>

Komisyon Cambridge pou Dwa ak Sitwayènte Imigran yo ([Cambridge Commission on Immigrant Rights and Citizenship](#))

617-349-4396

51 Inman Street

Cambridge, MA 02139

Sèvis pou Granmoun Aje

Sèvis Transpò pou Moun Aje (Senior Transportation Services)

Konsèy Arlington pou Moun k ap Pran Laj (Arlington Council on Aging, COA) bay plizyè sèvis transpò pou rezidan yo ki gen 60tan oswa pi gran. Kamyonèt COA (COA Van) la, ki se yon kamyonèt ki aksesib pou moun ki gen yon andikap, ofri transpò pou senyò Arlington yo depi lakay yo rive nan aktivite COA òganize epi/oswa rive nan randevou medikal. Granmoun aje Arlington yo gendwa itilize tou pwogram Dial-A-Ride Taxi (Rele yon woulib taksi), ki fè transpò tout kote nan Arlington. Toude pwogram yo ofri transpò pou yon ti pri tou piti. Pou jwenn plis enfòmasyon, tanpri al gade nan arlingtonma.gov/coa oswa rele COA nan 781-316-3400.

Konsèy Arlington pou Moun k ap Pran Laj (Arlington Council on Aging)

Konsèy Arlington pou Moun k ap Pran Laj (COA) la founi tou divès pwogram pou granmoun li yo ki gen ladann pwogram sante ak byennèt, konsèy pou asirans medikal, preparasyon taks (enpo) ak sipò sèvis sosyal tankou enfòmasyon ak referans, èd ak fyoul, enfòmasyon sou lojman, sipò ak resous pou moun k ap okipe yon malad oswa yon granmoun aje, pwogram èd finansyè ak plis toujou.

Pou jwenn enfòmasyon konsènan pwogram COA nan Arlington yo, sa ki gen ladann yon lyen ki pral mennen ou nan Anyè Sèvis pou Granmoun Aje nan Arlington (Directory of Senior Services), tanpri ale nan www.arlingtonma.gov/coa

Enfòmasyon kontak: Council on Aging (Konsèy pou Moun k ap Pran Laj), 27 Maple St. Arlington, MA 02476, 781-316-3400

Abi sou Granmoun Aje

Abi sou granmoun aje defini tankou abi fizik, seksyèl oswa emosyonèl, neglijans oswa eksplwatasyon finansyèl. Pou jwenn plis enfòmasyon sou abi ou sispèk yo komèt sou yon granmoun aje, tanpri kontakte Sèvis Defansè Granmoun Minuteman (Minuteman Senior Services) la.

Enfòmasyon kontak : Minuteman Senior Services, 781-272-7177, oswa nimewo gratis pou granmoun aje ki abize nan 800-922-2275. Ale nan www.minutemansenior.org

Sèvis pou Veteran yo (Veterans' Services)

Veteran yo kapab chèche jwenn èd lè yo aplike pou benefis Eta ak administrasyon federal la bay nan biwo Sèvis pou Veteran an; kontakte Jeff Chunglo, Direktè nan (781) 316-3166 oswa voye yon imèl nan jchunglo@town.arlington.ma.us. Deplase nan biwo a ki chita nan 27 Maple St., Floor 2 Arlington

Transpò

Transpò piblik

Arlington gen senk (5) liy otobis, pri tikè redwi yo disponib, liy bis 67 soti nan Turkey Hill rive nan Alewife; liy bis 77 la soti nan Arlington Heights desann Massachusetts Avenue rive nan Harvard Square nan Cambridge; liy otobis 350 la soti nan Burlington Mall rive nan Alewife; liy bis 62 a soti nan Bedford VA Hospital rive nan Alewife; epi liy otobis 76 la soti nan Lincoln Lab rive nan estasyon Alewife la. W ap jwenn wout bis yo ak plis enfòmasyon nan [wèbsayt MBTA](http://websayt.mbtas.com) a